

Zu wissen ist auch nöthig/so man dem Patienten etwan auß vorsatz / oder sonst auß schalckheit schmerzen zum schaden machen wolte / lege das mit dem vnguento Martis , 2c. bestriechene Wassen zum Feuer oder auff einen Ofen / Stein / Eysen / Blech / oder sonst auff eine andere stätte / die gar heiß gemacht sey / so wird alsbald dem Patienten der schaden gar wehe thun / vnd der schade laufft auff wie eine Bradturst. Gleichzals wann solch Wassen an den Windt oder an kalte stelle gelegt wird / so bekombt der Patient auch grossen schmerzen am schaden / dann grosse vbrige hize / so wol grosse vbrige kälte / kan des Patienten schade keines weg nicht vertragen / dann dieselbigen gar zu grossen schmerzen / vnd abschewliche wehetagen dem Patienten verursachen / ja auch also sehr das er für grossen wehe / nicht wisse was er thun sol / welches wehe auch also lange wehret / biß diß Wassen widerumb an getemperirtes orth / vnd wesen kombt derhalben solche schmerzen vnd wehetagen / wiederumb zulegen vnd zustillen / ist nöthig vnd muß seyn / diß Wassen auß solcher grossen vbrigen hize oder kälte wider in seine gelinde getemperirte wärme zuthun / vnd so bald sich es erwärmet / so vergehen die schmerzen vnd wehetagen / das er derselbige keine empfinde / vnd ist auch nun außserhalb einiges vorsazes / in achtung zu nehmen / das man das vngirte Wassen / nicht zu heiß lege / dieweil solches dem Patienten schaden bringet / Insonderheit aber hüte man sich / das mans je nicht gar ins Feuer / das es erglühe oder brenne / lege oder stosse / so wol das mans auch nicht ins kalte Wasser stecke / vnd darinnen Winters zeit befrieren lasse / dann es dem Patienten nit alleine gar zu grossen vnleidenlichen schmerzen / sondern auch sonst andere accidentia vnd Gebrechen verursachen möchte vnd brächte.

Hier muß Ich noch ein vornemes Arzeneystück anzeigen / welches ist

Eine Sympatetische Salbe zum Podagra.

Du solt einem Menschen der mit dieser Kranckheit beladen / zur Uderlassen oder Schröpfen / sein Blut behaltē doch jme vnwissent worzu du es behalten wilt / destilliers zum drittenmal / bey gelindem Feuer oder baln. maris zu einem Wasser / Nimb desselben Wassers sieben Unß / Menschenschmalz ein Unß / Rosenöl ein halb Unß / klein geschabte Benedische

Iiii

sche